

Javna baza nosilaca javnih funkcija

- Javna baza je dio postojeće stranice transparentno.ba
- Vlasnik izvornog koda i svih prava koji iz njega proizilaze je Udruženje za borbu protiv korupcije „Transparency International“ u Bosni i Hercegovini

Osnovni principi:

- čist i minimalan dizajn sa korištenjem što više „negativnog prostora“
- one-page pristup; što manje stranica i potrebe korisnika za navigacijom
- korištenje modernog typeface-a sa elementima što većeg fonta zbog lakšeg čitanja
- dizajn koji je prilagođen za sve uređaje i rezolucije

Funkcionalnost:

- Baza sadrži unose poput:

Ime i prezime | Nivo vlasti (državni, entitet, kanton, lokal) | Institucija | Funkcija (naziv) | Politički subjekt (stranka) | Dodatne funkcije (Članstvo u NO (JP ili JU); Članstvo u UO (JP ili JU) | Privatna firma (Učešće u vlasništvu) | Imovinski karton (ova opcija za početak ne treba da bude vidljiva javno)

- Pretraga pojmova

Baza omogućava pretragu svih ovih unosa i pomoću autofill nudi korisniku izbor traženog termina iz padajućeg menija. Za sve termine koji NISU „**Ime i prezime**“ izabranog ili imenovanog funkcionera otvara se novi prozor sa tabelarnim prikazom funkcionera koji su u vezi sa traženim terminom.

Na primjer, ako korisnik kuca termin „**Narodna skupština Republike Srpske**“ otvara mu se tabelarni prikaz svih izabranih funkcionera u NSRS (narodni poslanici) kao i svih imenovanih funkcionera (predsjednika skupštine, sekretara itd). Tabelarni prikaz je sačinjen na način da daje pregled svih elemenata koji se nalaze u bazi (politički subjekt, članstvo u UO, dodatne funkcije, privatni sektor).

User experience (frontend):

- Korisnik bi trebalo da se suoči sa što manje klikova i navigacije kako bi došao do željenog sadržaja.
- Sadržaj je čitljiv i vizuelno odnosno estetski privlačan sa jasnim elementima copyright-a i naznakama ko je izvor podataka.

Korisnika odmah po dolasku na stranicu dočekuje jasno i razgovjetno objašnjenje šta sajt radi i koja je svrha platforme i samog projekta. O ovom dijelu je moguće navesti i zakonski okvir koje definiše sukob interesa. Detaljna razrada i sadržaj zakona se može navesti na posebnoj stranici ili stranicama, koje bi bile linkovane u podnožju sajta (footer).

Sljedeće se nalazi polje za pretragu pomoću kog se pretražuje baza izabranih ili imenovanih funkcionera. Polje je vidljivo na početnoj stranici bez skrolanja tj. pomjeranja sadržaja bez obzira na uređaj sa kog se otvara stranica. Ovaj segment je ključan za funkcionalnost sajta i namijenjen je prije svega korisnicima koji prvi put dolaze na platformu da isprobaju funkcionalnost.

Pretraga bi trebalo da radi na principu „autofill“ što znači da će već prilikom kucanja karaktera korisnik imati priliku da bira osobu ili instituciju koju želi da pretražuje a koja se nalazi u bazi.

Rezultati pretrage bi trebalo da se pojavljuju u sklopu istog ekrana tj. bez napuštanja trenutne stranice, bilo u obliku pop-up prozora ili grafičkog elementa koji bi se iscrtao iznad početne stranice. Kartica sa rezultatom pretrage bi sadržavala ime i prezime izabranog ili imenovanog funkcionera kao i osnovne podatke koji se nalaze u bazi podataka.

Nakon toga je poželjno postojanje segmenta koji omogućava detaljniji pregled svih nivoa vlasti u Bosni i Hercegovini. Ovaj segment je namijenjen za korisnike koji se vraćaju na sajt i koji ga koriste kao redovnu platformu za istraživanje (nevladin sektor, istraživački novinari itd). Njegova svrha je detaljnija pretraga i on može da sadrži tabelarni pregled podataka uz mogućnost izvoza pregleda u .xlsx .pdf .csv format.

U konačnici korisnici bi imali mogućnost da upute apel na ispravljanje greške koju su uočili na sajtu. Takođe se korisniku daje mogućnost da prijavi eventualni sukob interesa, te u sklopu svoje prijave pošalje i dokaz u obliku dokumenta.

Na dnu se nalazi footer sa elementima vizuelnog identiteta samog projekta, kontakti informacijama, logotipom organizacija koje su realizovale projekat te eventualnim linkovima ka stranicama koje opisuju uslove korištenja (ukoliko ih ima) te ostale stranice i sadržaje.

User experience (backend):

Neophodno je omogućiti hijerarhijski sistem uloga, od administratora, urednika do osobe koja može samo da vrši unos podataka (svaka osoba koja unosi podatka loguje se sa svojim imenom i prezimenom, kako bi bio odgovoran za svoje unose) i čiji unos je podložan nadzoru i odobrenju urednika ili administratora. Dodjela uloga je fleksibilna i promjenjiva, što znači da administrator može da mijenja ulogu svakog korisnika ali i nadležnosti koje može da odrađuje svaka uloga.

Unos podataka treba da bude prilagođen početnicima i osobama bez pretjeranog informatičkog iskustva uz što je moguće kraće vrijeme obuke. Vrlo je važno da se komande (dugmići) za novi unos funkcionera vizuelno i konceptulno jasno identifikuju i razaznaju. Prilikom upisa novih podataka potrebno je omogućiti korištenje prečica na tastaturi uz opise šta koja radi (tab za prelaz u sledeće polje, komanda za dodavanje novog polja za unose koji to zahtijevaju, kretanje gore, dole u menijima za izbor zakonodavnih i izvršnih tijela itd).

Unos podataka bi trebalo da je što je više moguće „vođen“ i ograničen u smislu da korisnici upisuju što je moguće manje varijabli, uz mogućnost izbora onih varijabli koji se ponavljaju više puta, ili samo izbora onih varijabli koje se ne mijenjaju. Na primjer, Ime i Prezime svakog funkcionera je neophodno unijeti ručno, dok je nivo vlasti i organ moguće izabrati iz padajućeg menija (definisan unaprijed), a javno preduzeće ili ustanovu u čijem se Upravnom ili Nadzornom odboru nalazi funkcioner je moguće izabrati tako što će korisnik krenuti kucati naziv a sistem će ponuditi slične unose koji već postoje u bazi.

Cilj ovoga je smanjenje grešaka pri unosu kao i brži unos podataka.

Izmjena podataka bi trebalo da ima mogućnost masovnih operacija poput selektovanja (više, svih, nijedne, inverzne selekcije), brisanja, promjene itd.

Ukoliko je moguće uspostaviti sistem uvoza podataka iz Excel ili Google docs dokumenata, uz opomenu korisniku da je sistem prepoznao već postojeće unose. Korisniku je ponuđena mogućnost izbora da li će se podaci uvesti kao dodatak ili zamjena trenutno postojećih podataka, te mogućnost manuelno izbora redova podataka koji će se unositi.

Omogućiti osnovnu vrstu fail safe mehanizama, poput verifikacije i odobrenja unosa od strane korisnika sa višim nivoom akreditacije (uloge), undo funkcija, log koji prati aktivnost korisnika, generisanje backup-a podataka sa mogućnošću downloada i offline skladištenja kao i reupload-a backup fajla u slučaju greške